

ՔԱՀԱՆԱՅԱԿԱՆ ՉԵՌՆԱԴՐՈՒԹՅՈՒՆ ԵՎ ՕԾՈՒՄ Ս. ԳԱՅԱՆԵ ՎԱՆՔՈՒՄ

*«Ով չվերցնի իր խաչը և իմ ետևից չգա,
չի կարող իմ աշակերտը լինել»:
(ՂՈՒԿ. ԺԴ 27)*

Դեկտեմբերի 21-ի կիրակի օրը ևս հիշատակելի էր Հայաստանյայց Առաջնական Սուրբ Եկեղեցու համար: Սուրբ Գայանե վանճուհ, հրնթացս մատուցվող Սուրբ և անմահ Պատարագի, ձեռամբ Ռեկրահնայի հայոց թեմի առաջնորդ գերաշնորհ Տ. Նաթան եպս. Հովհաննիսյանի, տեղի ունեցավ ֆահանայական ձեռնադրություն և օծում:

Նախորդ օրը, դեկտեմբերի 20-ին, Սուրբ Աբգար ճախավկայի՝ ի Քրիստոս անդրանիկ հավատացյալ թագավորին մերո ռգեկոյման տոնի օրը, հավարտ երեկոյան ժամերգության, Մայր Տանարում տեղի ունեցավ ընծայացու լևոն սարկավագ Գըլըհյանի կոչման արարողությունը, որին ներկա էին Մայր Աթոռի միաբանները, սարկավագներ, Գևորգյան Հոգևոր ձեռնարանի սաներ, ինչպես նաև մեծաթիվ հավատացյալներ: Նաթան Սրբազանը կատարեց ընծայյալի հոգևոր իմացական պատրաստությունն ու ուղղափառ դավանության հարցի էննությունը: Առաջադրված բոլոր հարցերին դրականորեն պատասխանեց խարտավիլակ հայր սուրբը՝ Բագրատ արեղա Գալստանյանը: Ընծայացու սարկավագը հանձն առավ՝ հավատարիմ մնալ իր ուխտին, լինել Հայաստանյայց Եկեղեցու արժանի սպասավորը:

Հաջորդ օրը Ս. Գայանե վանճուհ մատուցվող Ս. Պատարագին ներկա էին տեղի հոգևոր դասը, հավատացյալների հոծ թագմությունը: Օրվա պատարագիչն էր ձեռնադրող սրբազան հայրը: Մինչ Սուրբգրային ընթերցումները, ընդհատվեց մատուցվող Պատարագը, և ընծայյալը, սաղմոսների փոխասացությամբ, ծնրադիր քարձրացավ Սուրբ Խորան՝ «առ ուսս» սրբազան հոր և, դառնալով դեպի հավատացյալ ժողովուրդը, վեր քարձրացրեց ձեռքերը՝ ի նշան աշխարհիկ կյանքից երաժարման և ի նվիրումն հոգևոր կյանքի:

Ձեռնադրող Սրբազանը, Սրբալույս Մյուռոնով օծելով նորընծայի ձեռքերն ու եակատը, նրան վերանվանեց Տ. Աբգար ֆահանա:

Այնուհետև «Ջի որ ոչ բառնայ գխայ իւր և գայ զկնի իմ՝ ոչ կարէ իմ աշակերտ լինել» (*«Ով չվերցնի իր խաչը և իմ ետևից չգա, չի կարող իմ աշակերտը լինել»*, ՂՈՒԿ. ԺԴ 27) բնարանով հավուր գատշանի ֆարոզ խոսեց Նաթան սրբազանը՝ միաժամանակ նորաօծ ֆահանային հեղելով իր հայիական պատգամը, ցանկանելով կարգի մեջ հաստատականություն և շիտակ ու ժողովրդանվեր գործունեություն: «Ծանր, սակայն եանելի է մեր Տիրոջ՝ Հիսուս Քրիստոսի լուծը, իր խոսումս ասաց սրբազան հայրը, ըստ այն առավել է իմաստավորվում, երբ ամեն կրող այն տանում է մեծ գիտակցումով ու նվիրում: Մեծ Վարդապետի նշմարիտ աշակերտը կոչվելու համար, յուրաքանչյուր հոգևորական անմնացորդ պետք է իրեն նվիրարների հարագատ Եկեղեցուն և ժողովրդին ծառայելուն, այսինքն՝ պետք է վերցնի իր խաչը և գնա Տիրոջ ետևից»:

ԽԱՐԻԱՄ ՎԱՐԳԱՆՅԱՆ